

Reykjavík, 5. mars 2019

Sæl/sæll.

Yfir stendur atkvæðagreiðsla meðal félagsmanna Eflingar um verkföll sem m.a. taka til hópbifreiðafyrirtækja.

Af þeim ástæðum langaði mig f.h. Eflingar að miðla eftirfarandi upplýsingum til forsvarsmanna hópbifreiðafyrirtækja á félagssvæði Eflingar. Þetta eru atriði sem varða rétt okkar félagsfólks til þáttöku í verkfalli og verfallskosningum og skyldur atvinnurekenda í því sambandi.

- Réttur félagsmenna í stéttarfélögum til þáttöku í verkfalli, þar með talið kosningu um verfall, er varinn af lögum nr. 80/1938 um stéttarfélög og vinnudeilur sem og stjórnarskrá Íslands og Mannréttindasáttmála Evrópu.
- Samkvæmt 4. grein laga nr. 80/1938 er atvinnurekendum óheimilt að reyna að hafa áhrif á afskipti starfsmanna af stéttarfélögum og vinnudeilum. Þetta þýðir m.a. að atvinnurekendum er óheimilt að reyna að hafa áhrif á afstöðu starfsmanna til verfallskosningar eða þáttöku þeirra í henni.
- Eflingu hafa borist nokkrar tilkynningar frá félagsmönnum um að forsvarsmenn atvinnurekenda á tilteknun vinnustöðum hafi beitt sér með óeðlilegum hætti til að hafa áhrif á þáttöku og afstöðu starfsmanna í verfallskosningu. Meðal annars höfum við fengið staðfesta vitnisburði um að fulltrúar atvinnurekenda hafi hótað tilteknun efnahagslegum afleiðingum, t.a.m. uppsögnum og kjaraskerðingum, ef til verfalla komi. Slíkt athæfi er með öllu óheimilt og felur í sér brot gegn lögum um stéttarfélög og vinnudeilur.
- Brot á lögum um stéttarfélög og vinnudeilur varða skaðabótum og sektum og áskilur Efling sér allan rétt til málshöfðana fyrir Félagsdómi vegna slíkra brota.

Virðingarfyllst,


Sólveig Anna Jónsdóttir
formaður Eflingar - stéttarfélags